

# INUIT ATAQATIGIIT

## Inatsisartuni



16. december 2020

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

### Naalakkersuisunut apeqquut:

1. Kuannersuarni aatsitassarsiortoqalissappat naalakkersuisut ilisimanerpaat kemikaliat suut aatsitassarsiormi atorneqartussaani?
2. Ilisimagussiuk suuneri paasissutissiissutigisinnaavisiuk?
3. Kemikaliat atorneqartussat qanoq pinngortitamut avatangiisinullu inuillu peqqissussaannut sunniuteqartarpat?
4. Kemikaliat "Taseq"-mut iginneqartussat suusappat qanorlu annertussuseqassappat?
5. Apeqquutigineqartut saniatigut Naalakkersuisut allanik ilisimatitsisinnaappat?

(Inatsisartuni ilaasortaq Mariane Paviasen, Inuit Ataqatigiit)

### Tungavilersuut:

Ullumikkut suli paasinnginnatsigut aatsitassarsiorniarnermi Kuannersuarni akuutissat arrortikkuminaatsut suut atorniarneqarnersut. Taamaammat Naalakkersuisuniit qulaanni apeqquutit akineqarnissaat kissaatigaara paaserusunnarmat Narsap eqqaanni aatsitassarsiorniarnermi susoqalerneranut paasissutissat ilamerngi qanoq ittuuneri itinerusumik paasisaqarfiginissaat. Nalunngilarput aatsitassarsiorniarni Narsap imeqarfiata ungasinngiisaanni tassalu 4km-terinik ungasissusilimmut eqqaaviliorniartut (Taillings-inut) assersuutigineqarsinnaavoq Nuummi Amisut eqqaaniit Nuup mittarfiata tungaanut 5km miss. Ungasissuseqartoq, Narsamilu suliariniarneqartoq qaqqap qaavanilluni illoqarfimmut 6km miss. Ungasissuseqarluni. Taamaammat pingaaruteqarpoq maannangaaq Narsami eqqaannilu najugaqartut ilisimaleriisagaat pilersaarutit Naalakkersuisooqatigiinniit tapersorneqartutut nipillit suususersinissaat.

Kissaatigivara apeqquutikka ullut suliffiusut qulit qaangiutinnginneranni akineqarnissaat.